

Халқ сўзи

Ўзбекистон —
кељагаи
буюк
давлат

2022 йил — ИНСОН ҚАДРИНИ УЛУҒЛАШ ВА ФАОЛ МАҲАЛЛА ЙИЛИ

1991 йил 1 январдан чиқа бошлаган

WWW.XS.UZ

E-mail: Info@xs.uz

2022 йил 8 декабрь, № 263 (8325)

Пайшанба

Сайтимизга ўтиш учун QR-кодни телефонингиз орқали сканер қилинг.



ЎЗБЕКИСТОН ХАЛҚИГА БАЙРАМ ТАБРИГИ



Қадри ватандошлар!
Сиз, азизларни, сизларнинг тимсолин-гизда кўп миллатли бутун халқимизни мамлакатимиз ҳаётидаги улуғ тарихий сана — Ўзбекистон Республикаси Конституцияси қабул қилинганнинг 30 йиллик байрами билан чин қалбимдан самимий муборакбод этиб, барчангизга ўзининг чуқур хур-

матим ва эзгу тилакларини изҳор этаман. Халқимизнинг хоҳиш-иродаси билан танлаб олинган ҳуқуқий-демократик давлат, эркин фуқаролик жамияти барпо этиш йўлида мустақкам ҳуқуқий пойдевор бўлиб келаётган Асосий Қонуниимизнинг миллий тараққиётимиздаги ўрни ва аҳамияти бекиёсидир.

Мустақиллигимизнинг дастлабки йилларида, гоят оғир ва мураккаб бир шароитда қабул қилинган Конституциямиз берган ҳуқуқ ва имкониятлар туфайли эл-юртимизнинг фидокорона меҳнати билан ўтган даврда ҳаётимизнинг барча соҳа ва тармоқларида улкан ютуқ ва натижаларни кўлга киритдик.

Ана шундай мустақкам ҳуқуқий асосга таяниб, кейинги йилларда мамлакатимизда кенг кўламли демократик ислохотлар жадал амалга оширилмоқда.

Энг муҳими, ижтимоий-сиёсий ҳаётимизнинг мазмуни, ватандошларимизнинг онгу тафаккури, дунёқараши тубдан ўзгармоқда. Юртимизда яшаётган ҳар бир фуқаро, миллати, тили ва динидан қатъи назар, жамиятимизнинг тенг ҳуқуқли аъзоси, ўз тақдирининг чинакам эгаси, мамлакатимиздаги барча ўзгариш ва янгиланишларга ўзини нафақат дахлдор, балки бу жараёнларнинг бевосита иштирокчиси, эркин ва бунёдкор инсон сифатида ҳис этмоқда.

Халқимиз сиёсий-ҳуқуқий тафаккурининг юксак намунаси, инсон ҳуқуқ ва эркинликларининг қонуний кафолати бўлган, биз учун озод ва обод ҳаёт куриш йўлини очиб берган Конституциямиз билан шу боис ҳар қанча фахрлансак, гурурлансак, арзийди, албатта.

Муҳтарам дўстлар!

Дунё миқёсида "Янги Ўзбекистон" деган ибора пайдо бўлиб, Ватанимизнинг халқаро майдондаги нуфузи ва обрў-эътибори тобора ортиб бормоқда.

Барчангиз хабардорсиз, шу кунларда мамлакатимизда Асосий Қонуниимизга ўзгартиш ва қўшимчалар киритиш бўйича муҳокамалар давом этмоқда. Ушбу конституциявий ислохотларни Янги Ўзбекистоннинг тараққиёт стратегияси мазмуни ва мантиси, халқимиз билдираётган талаб, истак ва тақлифлар, мухтасар айтганда, шиддат билан ўзгараётган даврнинг ўзи тақозо этмоқда.

Шу сабабли ҳозирги вақтда "Инсон — жамият — давлат" деган тамойилни Конституциямиз ва қонунариимизга, кундалик ҳаётимизга чуқур синдиришимиз зарур.

Шуни алоҳида таъкидлаш лозимки, инсон, унинг ҳаёти, ҳуқуқ ва эркинликларини ҳимоя қилиш, қонуний манфаатларини таъминлаш, инсон қадрини улуғлаш бу бордаги ислохотларимиз марказига олиб чиқилмоқда.

Жумладан, ижтимоий давлат тамойили, оила институтининг конституциявий асосларини мустаҳкамлаш, кеска авлод вакилларини, ногиронлиги бўлганларни ишончли ҳимоя қилиш, хотин-қизлар ва ёшларни ҳар томонлама кўллаб-қувватлаш, аҳолига малакали тиббий хизмат кўрсатиш, таълим

ва илм-фан, маданиятни ривожлантириш, фуқароларнинг экологик ҳуқуқларини таъминлаш, экологик мувозанатни сақлаш, фуқаролик жамияти институтлари ҳамда маҳалланинг ҳуқуқ ва ваколатларини кенгайтириш, оммавий ахборот воситалари эркинлигини таъминлаш каби кўплаб принципиал аҳамиятга эга масалалар Асосий Қонуниимизда муҳрлаб кўйилмоқда.

Бу жараёнда сиз, азиз ватандошларимиз — турли касб ва ижтимоий гуруҳга мансуб фуқароларимиз томонидан билдирилган барча тақлиф, фикр ва мулоҳазалар албатта инобатга олинади ва Конституция лойиҳаси умумхалқ референдумига олиб чиқилади.

Айни шу асосда Бош қонуниимиз чинакам халқ Қомуси, чинакам халқ Конституцияси бўлади.

Хурматли юрдошлар!
Пандемия шароитига қарамадан, мамлакатимизда меҳнат жамоаларида, маҳалла ва таълим масканларида, хонадонларда Конституция байрами, эҳтиёт чораларига амал қилган ҳолда, кўтаринки руҳда нишонланмоқда.

Биз яқинлашиб келаётган янги — 2023 йил учун улкан дастур ва режаларни тузмокдамиз. Конституциямизда белгилаб олаётган эзгу максадларни рўйбга чиқариш, юртимиздаги тинчлик ва барқарорликни, миллатлар ва динлараро дўстлик ва ҳамжихатликни янада мустаҳкамлаш, аҳоли фаровонлигини ошириш, янги уй-жойлар барпо этиш, иш ўринларини кўпайтириш бўйича катта-катта вазифалар бу дастурларда ўзининг аниқ ифодасини топмоқда.

Ишончим комилки, барчамиз бир тану бир жон бўлиб, фидокорона меҳнат қилиб, ўз олдимизга қўйган юксак марраларга албатта эришамиз.

Азиз ва муҳтарам ватандошлар!
Сизларни, бутун халқимизни Конституциямизнинг кутлуғ байрами билан яна бир бор самимий табриклаб, барчангизга сиҳат-саломатлик, оилавий бахт, хонадонларингизга файзу барака тилайман.

Халқимиз тинч, юртимиз омон бўлсин!
Барчамизнинг Яратганнинг ўзи панохида асрасин!

Шавкат МИРЗИЁЕВ,

Ўзбекистон Республикаси Президенти

ЕР ОСТИ СУВЛАРИ МУҲОФАЗАСИ КУЧАЙТИРИЛАДИ

Президент Шавкат Мирзиёев ер ости сувларини муҳофаза қилишга қаратилган чора-тадбирлар тақдироти билан танишди.

Ер ости сувлари табиат ва аҳоли учун энг зарур чучук сув манбаларидан бири. Ундан тартибсиз фойдаланиш оқибатида кўп жойларда ер ости суви камайиб кетмоқда. Навоий, Самарқанд, Жиззах, Қашқадарё, Наманган, Фарғона ва Андижон вилоятларининг айрим ҳудудларида унинг сатҳи 5 метргача пасайиб кетган.

Унга қўра, ер ости сувининг сатҳи 5 метрдан зиёд пасайган ҳудудларда қудуқлар бурғилаш ва ер ости сувларидан фойдаланишга мораторий жорий қилинади.

Хозирги кунда қудуқларнинг 90 фоизиди ҳисоблагич йўқлиги сабабли ер ости сувлари сарфи тўғрисида аниқ маълумот тўплаш имкони бўлмапти. Шунинг учун ер ости сувларидан фойдаланувчиларга 2024 йил 1 январга қадар ўз тасарруфидаси

иншоотларни сув ҳисоблагич билан жиҳозлаш мажбурияти кўйилмоқда. Шунингдек, 2023 йил 1 апрелдан бошлаб ҳар бир қудуққа алоҳида эмас, балки қудуқларни бурғилаш фаолиятига рухсатнома бериш йўлга қўйилади. Сатҳи пасайиб кетаётган ер ости суви қонларини тубдан қайта баҳолаш бўйича геология-қидирув ишлари амалга оширилади.

Яна бир янгилик — ер ости сувларининг ҳолатини кузатиб бориш, хавфли геологик жараёнлардан муҳофаза қилишнинг ягона тизимини яратиш мақсадида Давлат геологик мониторинг хизмати ташкил этилади.

Умуман олганда, бу чора-тадбирлар ер ости сувининг камайиш жараёнини тўхтатиш ва бошқа ҳудудларда бундай ҳолат юзага келишининг олдини олишга хизмат қилади.

Давлатимиз раҳбари бу тақлифларни маъқуллаб, сувдан ҳисобсиз фойдаланишга чек қўйиш, бу борада интизомни кучайтириш бўйича кўрсатмалар берди. Чучук сув манбаларини асраш ва аҳоли учун узоқ муддатга етадиган захира яратиш муҳимлигини таъкидлади.

Ў.А.

ИНСОНПАРВАРЛИКНИНГ ЮКСАК НАМУНАСИ

Ўзбекистон Республикаси Президенти Шавкат Мирзиёев Ўзбекистон Республикаси Конституцияси қабул қилинганнинг 30 йиллиги муносабати билан давлатимиз томонидан олиб борилаётган инсонпарварлик сиёсатининг амалий тасдиғи сифатида "Жазо муддатини ўтаётган, қилмишига чин кўнгилдан пушаймон бўлган ва тузалиш йўлига қатъий ўтган бир гуруҳ шахсларни афв этиш тўғрисида"ги Фармонни имзолади.

Фармонга мувофиқ, Ўзбекистон Республикаси Конституциясининг 93-моддаси 23-бандига асосан содир этган жинояти учун жазони ижро этиш муассасалари ва пробацция органларида жазо ўтаётган ҳамда қилмишига чин кўнгилдан пушаймон бўлган ва тузалиш йўлига қатъий ўтган 402 нафар шахс афв этилди.

Афв этилган шахсларнинг 128 нафари асосий жазодан тўлиқ озод этилди, 201 нафари жазони ўташдан муддатидан илгари шартли озод қилинди, 15 нафарининг озодлиқдан маҳрум этиш жазоси энгилроқ жазо билан алмаштирилди. Шунингдек, 58 нафар шахсга тайинланган озодлиқдан маҳрум этиш жазосининг муддатлари қисқартрилди.

Афв этилганларнинг 17 нафарини чет эл фуқаролари, 63 нафарини аёл, 26 нафарини 60 ёшдан ошган шахслар ҳамда 19 нафарини таққилланган ташкилотлар фаолиятида қатнашган шахслар ташкил этади.

Фармон ижроси юзасидан афв этилган шахсларни оиласи ва яқинлари бағрига қайтариш, ижтимоий ҳаётга мослашиб, фойдаланиш билан шуғулланишлари, соғлом турмуш тарзини йўлга қўйиб, жамиятда муносиб ўрин топишлари учун уларга кўмак бериш бўйича масъул вазирлик ва идораларга тегишли топшириқлар берилди.

8 декабрь — Ўзбекистон Республикаси Конституцияси қабул қилинган кун

ЎЗБЕКИСТОН КОНСТИТУЦИЯСИ

шу заминда яшаётган миллати, тили, динидан қатъи назар, барча фуқаролар учун мустақкам ҳуқуқий ҳимоя

8 декабрь — Ўзбекистон Республикаси Бош қомуси — Конституция қабул қилинган кун. Жорий йил Асосий Қонуниимизнинг 30 йиллиги мамлакатимиз бўйлаб кенг нишонланмоқда.

Таъкидлаш керакки, юртимизда ҳуқуқий демократик ва очик фуқаролик жамияти, халқимиз учун обод ва фаровон ҳаёт барпо этиш, халқаро майдонда ўзимизга муносиб ўрин эгаллашда Асосий Қонуниимиз мустақкам замин бўлиб келмоқда. Ўзбекистон Конституцияси — шу заминда яшаётган миллати, тили, динидан қатъи назар, барча фуқаролар учун мустақкам ҳуқуқий ҳимоя ҳамдир.

Ушбу қутлуғ сана муносабати билан хорижлик дипломатлар, сиёсатчилар, чет элда таълим олаётган ёки меҳнат қилаётган ватандошлар ўз табрикларини йўлламоқда.

Юсуф бин Солиҳ ал-Гахра ал-УТАЙБИЙ, Саудия Арабистонининг Ўзбекистондаги элчиси:

— Ўзбекистон Президенти Шавкат Мирзиёев Жаноби Олийларининг 2022 йил август ойида Подшоҳликка амалга оширган расмий ташрифи давомида икки давлат раҳбарлари интилишларига мувофиқ тарзда давлат ва хусусий секторлар ўртасида битимлар ҳамда англашув меморандумлари имзолангани ўзаро алоқалар тобора та-

раққий этаётганини ёрқин ифодалади. 8 декабрь — Конституция куни муносабати билан Ўзбекистон раҳбарияти ва халқига самимий табрикларим ва истакларимни йўллаб, қардош Ўзбекистонга тараққиёт, фаровонлик ва барқарорлик тилайман.

Ари КАГАН, Нью-Йорк шаҳар депутати (АҚШ):

— Мен Америка Қўшма Штатларида ўзбекистонликлар энг гавжум ва жипис бўлиб яшайдиган Бруклин туманидан сайланган Нью-Йорк шаҳри депутатиман.

Ўзбекистон ва унинг халқи, мамлакат тарихи, ўзбекларнинг урф-одат ва анъаналари, ўзига хос қадриятлари ва миллий байрамлари билан жуда яқиндан танишман.

Ҳар бир халқнинг Конституцияси унинг ўзига хос маданиятини, шарт-шароит ва қадриятларини акс эттиради. Қолаверса, Конституция ҳар бир фуқаронинг умумба-шарий ҳуқуқларини ҳимоя қилувчи асосий ҳужжат ҳисобланади. Америка Қўшма Штатлари ва Ўзбекистон Республикаси Конституциялари ушбу умумий мақсадга хизмат қилиши, шубҳасиз.

Мамлакатингиз босиб ўтган гоят мураккаб ва шарафли йўл Бош қомусингизнинг ҳаётбахш кучи ҳамда улкан салоҳиятидан далolat беради. Янги Ўзбекистонда демократик ислохотларнинг янада чуқурлаштирилиши, инсон ҳуқуқи ва эркинликлари таъминланиши, халқ фаровонлиги оширилиши йўлида олиб борилаётган изчил сиёсат жажон ҳамжамияти томонидан кенг эътироф этилаётганлиги, албатта, диққатга сазовордир.



СУД-ҲУҚУҚ ТИЗИМИНИ ЭРКИНЛАШТИРИШ ВА МУСТАҚИЛЛИГИНИ ТАЪМИНЛАШ

СОҲАДАГИ ИСЛОХОТЛАРДАН КЎЗЛАНГАН ЮКСАК МАРРАДИР

Бош қомусимиз ҳуқуқий демократик давлат ҳамда кучли фуқаролик жамиятини барпо этиш, эркин бозор муносабатлари ва хусусий мулк устуворлигига асосланган иқтисодийни қуриш, халқимизнинг тинч, обод ва фаровон ҳаётини таъминлаш, шунингдек, янги Ўзбекистоннинг юксалиш даврига мустақкам пойдевор бўлиб хизмат қилмоқда, десак, муволага эмас.

Миллий давлатчиликнинг энг муҳим ҳуқуқий қадриятларини белгилаб берган Конституцияда давлат ва жамият қурилишининг асосий тамойиллари ўзининг аниқ ифодасини топди.

Таъкидлаш жоизки, давлатимиз раҳбарининг қатъий сиёсий иродаси туфайли жамиятимизнинг сиёсий-ҳуқуқий, ижтимоий-иқтисодий қиёфаси шиддат билан ўзгариб, ҳаётимизда янги муносабатлар, янги имконият ҳамда янги қадриятлар шаклланаётганига



Мулоқот

ҲАМКОРЛИКНИ ЯНАДА ФАОЛЛАШТИРИШ МУҲИМЛИГИ ТАЪКИДЛАНДИ

Ўзбекистон Республикаси Олий Мажлиси Сенати Раисининг биринчи ўринбосари Содиқ Сафоев Миср Араб Республикасининг Ўзбекистондаги Фахмуллода ва мухтор элчиси Амира Фахминни қабул қилди.

Учрашувда Ўзбекистон — Миср муносабатларининг бугунги ҳолати ва истиқболлари, жумладан, парламентлараро алоқаларни чуқурлаштириш ва таълим соҳасида ҳамкорликни ривожлантириш масалалари муҳокама қилинди.

Мулоқот чоғида икки мамлакат ўртасидаги дўстона алоқаларни мустаҳкамлаш, жумладан, туризм, илм-фан, таълим, маданият, ёш дипломат ходимларнинг малакасини ошириш каби йўналишларда ўзаро манфаатли ҳамкорликни янада фаоллаштириш муҳимлиги таъкидланди.

Учрашув сўнгида томонлар кўп томонлама ўзаро алоқаларни янада мустаҳкамлашга тайёр эканликларини билдирди.

«Халқ сўзи».

